

SIPA pretresla nekadašnji elitni sarajevski hotel

HOLIDAY RESORT IZBJEGAO PLAĆANJE

● Iz hotela izuzeti dokumentacija, računari, fiskalne kase... ● Apelujem na sve građane da danas dođu ispred hotela i daju pasivan otpor Sudskoj policiji, kazao je Čengić

Pripadnici Državne agencije za istrage i zaštitu BiH (SIPA) jučer su u jutarnjim satima po naredbi sarajevskog Općinskog suda, a pod nadzorom sarajevskog Kantonalnog tužilaštva i uz asistenciju službenika Porezne uprave Federacije BiH pretresli hotel Holiday Sarajevo HTD Sarajevo d.o.o, koji je u stečaju.

Dokazi

Kako je saopćeno iz Tužilaštva, pretres je izvršen zbog sumnje da su odgovorne osobe privrednog društva Holiday Resort d.o.o. Sarajevo, koristeći poslovne prostorije hotela, od jula 2014. do danas, počinile krivično djelo porezne utaje, odnosno da su dajući lažne podatke o stečenom prihodu izbjegle plaćanje poreznih obaveza. Tokom pretresa, koji je trajao nekoliko sati, istražitelji su izuzeli fiskalne kase, računare, kao i relevantnu dokumentaciju koja će služiti kao dokaz u krivičnom postupku. Ispred hotela jučer je bilo parkirano nekoliko vozila MUP-a Kantona Sarajevo, te nekoliko vozila SIPA. Novinari nisu mo-



Sa jučerašnjeg pretresa

Foto: A. KAJMOVIĆ

gli ući u hotel, a pripadnici SIPA su u nekoliko navrata izlazili iz hotela noseći kесе i pakete izuzete dokumentacije.

Nekoliko radnika je na momente izlazilo van, šetkajući se i govoreći: "Eto, taman smo stali na noge i sad hoće da nas unište".

Generalni direktor hotela Alen Čengić i vlasnik restorana Park prinčeva iz Sarajeva smatra da neko namjerno želi da uništi hotel, te da je "SIPA na osnovu indicija i pretpostavki došla u hotel i oduzela dokumentaciju, te tako onemogućila rad hotela". Kaže da ga niko nije saslušao, niti ga je pozvao u policiju ili Tuži-

laštvo radi davanja iskaza.

- Sutra (danas u 10 sati, op. a) je privremena mjera u kojoj će sudski policajci istjerati 80 radnika za koje su plaćeni i plaće i doprinosi. Apelujem na sve građane da dođu ispred hotela u utorak i daju pasivan otpor Sudskoj policiji, kazao je Čengić za Oslobođenje, ističući da su u pitanju samo neutemeljene pretpostavke.

Hotelska sudbina

U Poreznoj upravi FBiH jučer, osim što su potvrdili da su njihovi pripadnici davali podršku SIPA, nisu željeli govoriti ništa više.

POREZA



Čengić: Radi se o neutemeljenim pretpostavkama

Sudbina hotela Holiday Inn predata je u ruke firmi Alpha Baumanagement iz Austrije još 2004, a ova ustanova namijenjena pružanju usluga smještaja i prehrane gostiju među prvima je, nakon rata, podlegla privatizaciji. Sama prodaja je koštala više od 43 miliona maraka. Najave o velikim graditeljskim poduhvatima nisu se obistinile, niti je ikad počela izgradnja spektakularnog Grand Media tornja sa dvadeset i dvije etaže, garažom sa 600 parking-mjesta, trgovom koji je trebao uključivati cjeline za trgovinu, kasino, hotelske lobije te fitness i wellness etaž...

A. B. Č.